



SLUŽBENE NOVINE OPĆINE ZENICA

GODINA XXXVI
Broj 6

Četvrtak, 20.09.2010.godine
Zenica

ISSN 1840-4588

NAČELNIK OPĆINE

57.

Na osnovu člana 10. Odluke o organizaciji i načinu obavljanja taksi prijevoza putnika na području Zeničko-dobojskog kantona («Službene novine Zeničko-dobojskog kantona», broj 6/10), Služba za ekonomske odnose i poduzetništvo općine Zenica, d o n o s i

P R A V I L N I K o načinu korištenja, redu i radu na taksi stajalištima na području općine Zenica

I OPĆE ODREDBE

Član 1.

Ovim Pravilnikom uređuje se:

- broj i razmještaj taksi stajališta
- način rasporeda taksi vozila na taksi stajalištima i način određivanja kriterija za red prvenstva u raspoređivanju taksi vozila na taksi stajališta i
- red i rad na taksi stajalištu.

II BROJ I RAZMJETAJ TAKSI STAJALIŠTA

Član 2.

Taksi stajalište je propisno uređena i označena površina gdje se zadržavaju taksi vozila i to po redu dolaska u cilju prijema narudžbi i prijevoza putnika prema redoslijedu.

Član 3.

Broj i razmješta taksi stajališta, broj stajališnih mjesta za taksi vozila na taksi stajalištima koja se nalaze na javnim površinama i kategoriju taksi stajališta određuje posebnim aktom Služba za prostorno uređenje općine Zenica za svaku kalendarsku godinu do 30. januara tekuće godine, u skladu sa članom 9. Odluke o organizaciji i načinu obavljanja taksi prijevoza putnika na području Zeničko-dobojskog kantona.

Član 4.

Ukupan broj taksi vozila, onosno ukupan broj dopunskih taksi oznaka, na početku svake godine određuje ova Služba.

Akt iz prethodnog stava dostavlja se Ministarstvu za prostorno uređenje, promet i komunikacije i zaštitu okoline

Zeničko-dobojskog kantona do 15. januara tekuće godine.

Član 5.

Taksi stajališta mogu koristiti samo taksi prijevoznici sa područja općine Zenica.

Član 6.

Uređenje i održavanje taksi stajališta vrši Služba za komunalne poslove i ekologiju općine Zenica.

Član 7.

Za upotrebu i korištenje taksi stajališta na javnim površinama plaća se godišnja naknada.

Određivanje visine naknade i naplatu iste vrši Služba za komunalne poslove i ekologiju općine Zenica.

Sredstva prikupljena iz naknada namjenski se koriste za izgradnju novih, uređenje i održavanje postojećih taksi stajališta, odnosno za unapređenje taksi djelatnosti.

Dokaz o uplati naknade za tekuću godinu taksi prijevoznik je dužan dostaviti prilikom podnošenja zahtjeva za izdavanje dopunske oznake za vozilo.

III RASPORED TAKSI VOZILA NA TAKSI STAJALIŠTIMA I NAČIN ODREĐIVANJA KRITERIJA ZA RED PRVENSTVA U RASPOREĐIVANJU TAKSI VOZILA NA TAKSI STAJALIŠTA

Član 8.

Raspored taksi vozila na taksi stajalištima i kriterije za red prvenstva u raspoređivanju taksi vozila na taksi stajališta uređuje Udruženje taksista «Zenica-taksi» Zenica, u roku od trideset dana od dana davanja saglasnosti na ovaj Pravilnik.

Na akt iz prethodnog stava suglasnost daje Služba.

IV RED I RAD NA TAKSI STAJALIŠTU

Član 9.

Taksi vozač prima putnike na prijevoz na taksi stajalištu na koje je raspoređen po redoslijedu pristizanja na isto.

Na taksi stajalište ne smiju se parkirati druga vozila.

Na taksi stajalištu ne smije stajati više taksi vozila nego što ima obilježenih mjesta .

Član 10.

Prijevoz obavlja taksi vozač čije se vozilo nalazi na prvom mjestu taksi stajališta.

Odlaskom jednog ili više taksi vozila, druga vozila se pomjeraju na upražnjena mjesta istim redoslijedom kojim su i pristigla na taksi stajalište.

Izuzetno, ukoliko putnik ima posebne zahtjeve, u pogledu urednosti i komfora vozila ili uljudnosti vozača, može zatražiti uslugu i od taksi vozača čije vozilo nije na prvom mjestu taksi stajališta.

Član 11.

Na taksi stajalištu je zabranjeno stvaranje buke pojačanim radom motornog vozila, upotrebom sirena, upotrebom uređaja i aparata za reprodukciju muzike i svih drugih uređaja koja stvaraju buku.

Na taksi stajalištu nije dozvoljeno pranje vozila, bacanje otpadaka i čišćenje pepeljara.

Član 12.

Za vrijeme dok je taksi vozilo parkirano na taksi stajalištu taksi vozač, zbog efikasnijeg pružanja usluga, je dužan biti u taksi vozilu ili pored taksi vozila.

Član 13.

Taksi vozilo na taksi stajalištu mora biti čisto i uredno a taksi vozač uredno i prikladno odjeven, uljudno se odnositi prema putnicima i ne smije pušiti u vozilu.

Član 14.

Na taksi stajalištima zabranjeno je konzumiranje alkohola, opojnih sredstava i kartanje .

Član 15.

Taksi vozač je obavezan prijem putnika na taksi stajalištu vršiti sa pažnjom i poštovanjem.

V PRELAZNE I ZAVRŠNE ODREDBE**Član 16.**

Na pitanja koja nisu uređena ovim Pravilnikom primjenjivaće se odredbe zakona i podzakonskih akata koji regulišu ovu oblast.

Član 17.

Suglasnost na ovaj Pravilnik daje Ministarstvo za prostorno uređenje, promet i komunikacije i zaštitu okoline Zeničko-dobojskog kantona.

Član 18.

Po pribavljanju saglasnosti iz prethodnog člana, Pravilnik će se objaviti u «Službenim novinama općine Zenica».

Član 19.

Danom stupanja na snagu ovog Pravilnika stavlja se van snage Pravilnik o načinu korištenja, redu i radu na taksi stajalištima na području općine Zenica („Službene novine općine Zenica“, broj 7/08)

Član 20.

Ovaj Pravilnik stupa na snagu danom objavljivanja u «Službenim novinama općine Zenica».

Broj: 04-27-12038/10
Zenica, 12.07.2010.godine

POMOĆNIK NAČELNIKA

Anđelić Jugoslav, dipl.oec. s.r.

Na ovaj Pravilnik data je suglasnost Ministarstva za prostorno uređenje, promet i komunikacije i zaštitu okoline Zeničko-dobojskog kantona aktom broj: 12-27-20090-1/10 od 20.07.2010.g.

58.

Na osnovu člana 116. Zakona o zaštiti i spašavanju ljudi i materijalnih dobara od prirodnih i drugih nesreća («Službene novine F BiH», broj: 39/03 i 22/06), člana 4. Pravilnika o načinu rada i funkcionisanja štabova i povjerenika civilne zaštite («Službene novine F BiH», broj:77/06), člana 4. Odluke o formiranju Općinskog štaba civilne zaštite Zenica («Službene novine općine Zenica», broj:4/04), na prijedlog Službe civilne zaštite, Načelnik općine Zenica, donosi

P R A V I L N I K**o izmjenama i dopunama Pravilnika o unutrašnjoj organizaciji i funkcionisanju štaba civilne zaštite Zenica****Član 1.**

U Pravilniku o unutrašnjoj organizaciji i funkcionisanju štaba civilne zaštite Zenica („Službene novine općine Zenica“, broj: 10/08), član 4. mijenja se i glasi:

Štab se sastoji od komadanta, načelnika i članova štaba. Članove Štaba, na prijedlog Službe civilne zaštite, rješenjem postavlja Načelnik općine Zenica. Članovi Štaba imenuju se iz reda rukovodioca općinskih Službi za upravu i predstavnika drugih općinskih organa i pravnih lica.

Član 2.

Ovaj Pravilnik stupa na snagu sa danom objavljivanja u Službenim novinama općine Zenica.

Broj: 12-44-12195/10
Zenica, 10. 08. 2010. god.

NAČELNIK OPĆINE
Husejin Smajlović, s.r.

59.

Na osnovu člana 36. tačka 6. Statuta općine Zenica („Službene novine općine Zenica“, broj 4/08) i člana 16. Odluke o organizaciji općinske uprave („Službene novine općine Zenica“, broj 3/02-prečišćen tekst), Načelnik općine Zenica, donosi

R J E Š E N J E
o dopuni Rješenja o formiranju Komisije za praćenje stanja zaštite okoliša

I

Dopunjava se tačka I Rješenja o formiranju Komisije za praćenje stanja zaštite okoliša broj: 02-05-12608/08 od 01. 07. 2008. godine i 19. 05. 2010. godine na način da se u sastav Komisije za praćenje stanja zaštite okoliša dodaje novi član Komisije kao tačka 9. i to:

“ 9. Mr. sci. Enver Hasić, dipl. ing. rudarstva, član.”

II

Ovo rješenje stupa na snagu danom donošenja i objaviće se u „Službenim novinama općine Zenica“

Broj: 02-05-12608/08-1
Zenica, 13. juli 2010. godine

NAČELNIK OPĆINE
Husejin Smajlović, s.r.

60.

Na osnovu člana 36.tačka 6. Statuta Općine Zenica („Službene novine Općine Zenica“, broj: 4/08) i člana 16. Odluke o organizaciji općinske upave („Službene novine Općine Zenica“, br. 3/02 - prečišćen tekst, 4/04 i 1/05) i člana 15. Odluke o izvršavanju Budžeta općine Zenica za 2010.godinu («Službene novine općine Zenica» broj: 3/10), na prijedlog Službe za budžet i finansije i Službe za društvene djelatnosti, socijalnu zaštitu, raseljene osobe, izbjeglice i povratnike, Načelnik općine Zenica, d o n o s i

Z A K L J U Č A K
O odobravanju sredstava iz tekuće budžetske rezerve

I

Odobravaju se sredstva u iznosu od **3.000,00KM** općini **Maglaj** za saniranje posljedica elementarne nepogode – klizišta.

II

Sredstva iz tačke I ovog Zaključka odobravaju se iz Budžeta općine Zenica za 2010.godinu - «Tekuća budžetska rezerva», a za odobreni iznos sredstava povećat će se plan na poziciji u Razdjelu 18, PJ 181 – Služba za društvene djelatnosti, socijalnu zaštitu, raseljene osobe, izbjeglice i povratnike, ekonomski kod 614300-144 Grantovi neprofitnim organizacijama – finansiranje društava i udruženja u oblasti socijalne zaštite, i ista će biti uplaćena na žiro račun Općine Maglaj-račun sredstava općine Maglaj za pomoć u zbrinjavanju porodica naseljenog mjesta Suljakovići, zahvaćenog elementarnom nepogodom - klizište i sanacija klizišta i infra-strukture u Suljakovićima, Šehićima, Kosovi i Fojnici, a putem računa broj:199-462-00-505-735-55 otvoren kod Sparkasse bank Maglaj.

III

Za realizaciju ovog Zaključka zadužuje se Služba za budžet i finansije, Služba za društvene djelatnosti, socijalnu zaštitu, raseljene osobe, izbjeglice i povratnike i Stručna služba Vijeća i Načelnika.

IV

Stupanjem na snagu ovog Zaključka prestaje da važi Zaključak o odobravanju pomoći općini Maglaj broj: 02-35-13067/10 od 10.08.2010.godine.

V

Ovaj Zaključak stupa na snagu danom donošenja, i objaviće se u «Službenim novinama Općine Zenica».

Broj: 02-35-13067/10
Zenica, 12.08.2010.godine

NAČELNIK OPĆINE
Husejin Smajlović, s.r.

61.

Na osnovu člana 33. Zakona o budžetima u Federaciji Bosne i Hercegovine (“Službene novine Federacije BiH”, broj 19/06, 76/08, 5/09), člana 17. Odluke o izvršavanju Budžeta općine Zenica za 2010.godinu (“Službene novine općine Zenica”, broj 3/10), a na prijedlog Službe za budžet i finansije i Službe za društvene djelatnosti, socijalnu zaštitu, raseljene osobe, izbjeglice i povratnike Načelnik općine **d o n o s i**:

Z A K L J U Č A K
o unutrašnjoj preraspodjeli sredstava iz Budžeta općine Zenica za 2010.godinu u Razdjelu 18. Službe za društvene djelatnosti, socijalnu zaštitu, raseljene osobe, izbjeglice i povratnike

I

Odobrava se unutrašnja preraspodjela sredstava u Budžetu općine Zenica za 2010.godinu (“Službene novine

Općine Zenica» broj 3/10) u Razdjelu 18. Službe za društvene djelatnosti, socijalnu zaštitu, raseljene osobe, izbjeglice i povratnike, PJ 182. JU Centar za socijalni rad Zenica.

II

Unutrašnja preraspodjela sredstava u Budžetu općine Zenica za 2010.godinu u Razdjelu 18. PJ 182. JU Centar za socijalni rad Zenica, vrši se na slijedeći način:

Umanjuje se pozicija:

- ekonomski kod **681120-166**
- **Naknade troškova zaposlenih**
za iznos od **3.000,00 KM**

Povećava se pozicija:

- ekonomski kod **681390-175**
- **Ugovorene usluge i druge posebne usluge**
za iznos od **3.000,00 KM**

III

Za realizaciju ovog Zaključka zadužuje se Služba za budžet i finansije, Služba za društvene djelatnosti, socijalnu zaštitu, raseljene osobe, izbjeglice i povratnike i JU Centar za socijalni rad Zenica.

IV

Ovaj zaključak stupa na snagu danom donošenja, a objaviće se u «Službenim novinama općine Zenica ».

Broj:02-14-13681 /10
Zenica, 20.08.2010.godine

NAČELNIK OPĆINE
Husejin Smajlović, s.r.

62.

Na osnovu člana 33. Zakona o budžetima u Federaciji Bosne i Hercegovine („Službene novine Federacije BiH“, broj 19/06, 76/08, 5/09, člana 17. Odluke o izvršavanju Budžeta općine Zenica za 2010.godinu („Službene novine općine Zenica“, broj 3/10), a na prijedlog Službe za budžet i finansije i Službe za društvene djelatnosti, socijalnu zaštitu, raseljene osobe, izbjeglice i povratnike, Načelnik općine, donosi

ZAKLJUČAK

o unutrašnjoj preraspodjeli sredstava iz Budžeta općine Zenica za 2010.godinu u Razdjelu 18. Službe za društvene djelatnosti, socijalnu zaštitu, raseljene osobe, izbjeglice i povratnike

I

Odobrava se unutrašnja preraspodjela sredstava u Budžetu općine Zenica za 2010.godinu („Službene novine Općine Zenica“, broj 3/10) u Razdjelu 18. Službe za društvene djelatnosti, socijalnu zaštitu, raseljene osobe, izbjeglice i povratnike, PJ 181.

II

Unutrašnja preraspodjela sredstava u Budžetu općine Zenica za 2010.godinu u Razdjelu 18. PJ 181. Službe za društvene djelatnosti, socijalnu zaštitu, raseljene osobe, izbjeglice i povratnike, vrši se na slijedeći način:

Umanjuje se pozicija:

- ekonomski kod **615200-161 Kapitalni grant-učešće u izgradnji stambenih objekata za porodice u stanju socijalne potrebe**
za iznos od **240.000,00 KM**

Povećava se pozicija:

- ekonomski kod **821200-162 Nabavka građevine-učešće Općine u izgradnji stambenih objekata za porodice u stanju socijalne potrebe**
za iznos od **240.000,00 KM**

III

Za realizaciju ovog Zaključka zadužuje se Služba za budžet i finansije i Služba za društvene djelatnosti, socijalnu zaštitu, raseljene osobe, izbjeglice i povratnike.

IV

Ovaj zaključak stupa na snagu danom donošenja, a objaviće se u „Službenim novinama općine Zenica“.

Broj: 02-14-13733/10
Zenica, 20.08.2010.godine

NAČELNIK OPĆINE
Husejin Smajlović, s.r.

63.

Na osnovu člana 33. Zakona o budžetima u Federaciji Bosne i Hercegovine (“Službene novine Federacije BiH”, broj 19/06, 76/08, 5/09), člana 17. Odluke o izvršavanju Budžeta općine Zenica za 2010.godinu (“Službene novine općine Zenica”, broj 3/10), a na prijedlog Službe za budžet i finansije i Službe za društvene djelatnosti, socijalnu zaštitu, raseljene osobe, izbjeglice i povratnike Načelnik općine d o n o s i:

ZAKLJUČAK

o unutrašnjoj preraspodjeli sredstava iz Budžeta općine Zenica za 2010.godinu u Razdjelu 18. Službe za društvene djelatnosti, socijalnu zaštitu, raseljene osobe, izbjeglice i povratnike

I

Odobrava se unutrašnja preraspodjela sredstava u Budžetu općine Zenica za 2010.godinu (“Službene novine Općine Zenica» broj 3/10) u Razdjelu 18. PJ 181. Službe

za društvene djelatnosti, socijalnu zaštitu, raseljene osobe, izbjeglice i povratnike.

II

Unutrašnja preraspodjela sredstava u Budžetu općine Zenica za 2010.godinu u Razdjelu 18. PJ 181. Službe za društvene djelatnosti, socijalnu zaštitu, raseljene osobe, izbjeglice i povratnike, vrši se na slijedeći način:

Umanjuje se pozicija:

ekonomski kod **613200-129** **Izdaci za energiju**
- troškovi grijanja i električne energije
za iznos od **40.000,00KM**

Povećava se pozicija:

Ekonomski kod **614300-136**
Grantovineprofitnim organizacijama - sport
za iznos od **40.000,00KM**

III

Za realizaciju ovog Zaključka zadužuje se Služba za budžet i finansije i Služba za društvene djelatnosti, socijalnu zaštitu, raseljene osobe, izbjeglice i povratnike.

IV

Ovaj zaključak stupa na snagu danom donošenja, a objaviće se u «Službenim novinama općine Zenica».

Broj:02-14-13957 /10
Zenica, 25.08.2010.godine

NAČELNIK OPĆINE
Husejin Smajlović, s.r.

64.

Na osnovu člana 36. tačka 6. Statuta Općine Zenica („Službene novine Općine Zenica“, broj: 4/08) i člana 16. Odluke o organizaciji općinske uprave („Službene novine općine Zenica“, br. 3/02 – prečišćeni tekst, 4/04 i 1/05) i člana 15. Odluke o izvršavanju Budžeta općine Zenica za 2010. godinu („Službene novine općine Zenica“, broj:3/10), na prijedlog Službe civilne zaštite, Načelnik općine Zenica d o n o s i

Z A K L J U Č A K

o odobravanju sredstava iz tekuće budžetske rezerve

I

Odobravaju se sredstava u iznosu od 15.000,00 KM na ime pokrića većih rashoda na poziciji 614300-37 Transfer neprofitnim organizacijama.

II

Sredstva iz tačke I ovog Zaključka odobravaju se iz Budžeta općine Zenica za 2010.godinu – „Tekuće

budžetske rezerve“, a za odobreni iznos sredstava povećat će se plan na poziciji u Razdjelu 12 PJ 121 – Služba civilne zaštite ekonomski kod 614300 – 37 Grantovi neprofitnim organizacijama.

III

Za realizaciju ovog Zaključka zadužuje se Služba za budžet i finansije, Služba civilne zaštite i Stručna služba Vijeća i Načelnika.

IV

Ovaj Zaključak stupa na snagu danom donošenja, i objaviće se u „Službenim novinama općine Zenica“.

Broj: 02-14-13976/10
Zenica, 30. 08. 2010. god.

NAČELNIK OPĆINE
Husejin Smajlović, s.r.

SADRŽAJ**NAČELNIK OPĆINE**

57.	Pravilnik o načinu korištenja, redu i radu na taksi stajalištima na području općine Zenica	1
58.	Pravilnik o izmjenama i dopunama Pravilnika o unutrašnjoj organizaciji i funkcionisanju štaba civilne zaštite Zenica	2
59.	Rješenje o dopuni Rješenja o formiranju Komisije za praćenje stanja zaštite okoliša	3
60.	Zaključak o odobravanju sredstava iz tekuće budžetske rezerve.....	3
61.	Zaključak o unutrašnjoj preraspodjeli sredstava iz Budžeta općine Zenica za 2010.godinu u Razdjelu 18. Službe za društvene djelatnosti, socijalnu zaštitu, raseljene osobe, izbjeglice i povratnike.....	3
62.	Zaključak o unutrašnjoj preraspodjeli sredstava iz Budžeta općine Zenica za 2010.godinu u Razdjelu 18. Službe za društvene djelatnosti, socijalnu zaštitu, raseljene osobe, izbjeglice i povratnike.....	4
63.	Zaključak o unutrašnjoj preraspodjeli sredstava iz Budžeta općine Zenica za 2010.godinu u Razdjelu 18. Službe za društvene djelatnosti, socijalnu zaštitu, raseljene osobe, izbjeglice i povratnike.....	4
64.	Zaključak o odobravanju sredstava iz tekuće budžetske rezerve.....	5